


124381

陸平原年譜

姜亮夫著



姜亮夫著

陸
平
原
年
譜

古典文学出版社

內 容 提 要

陸平原（機）是三國吳、晉之間——公元三世紀後期至四世紀初——的重要作家兼文學批評家。他的文賦是系統地提出文學評論標準的傑出的著作，為南北朝的文學批評事業樹立了良好的基礎。本書將陸氏一生事蹟及其時代背景，詳細考訂，編成年譜；並將他所有創作的年代，分別考訂。為研究我國中古文學史的參考資料之一。

陸 平 原 年 譜

姜 亮 夫 著

*

古 典 文 學 出 版 社 出 版

（上海康平路152弄18號）

上海市書刊出版業營業許可証出零捌陸號

協興印刷廠印刷 新華書店上海發行所發行

*

書 號 113

開本 787×1092 耗 1/32 印張 4 3/16 插頁 1 字數 80,000

一九五七年七月第一版

一九五七年七月第一次印刷

印數 1—6,500 定價(7) 0.38 元



陸機“平復帖”真蹟

6A136/7

陸平原年譜目次

陸平原平復帖真蹟（銅版）	一
代序：章炳麟陸機贊	三
陸氏世系表 附注	九
晉書陸機本傳	一一
三國志裴注引機雲別傳	一三
年譜 詩文編年	九九
陸機著述考	一〇四
陸機書法 附平復帖考	二八
陸機軼事輯	三〇
六朝隋唐諸家論陸文語輯一	三五
六朝隋唐諸家論陸文語輯二	三五

陸機贊


章炳麟


晉書稱陸機服膺儒術，非禮不動。觀其德量所致，誠非獨文采而已。機父祖爲吳世臣，少直傾覆，吳亡十年不仕，箸論辨亡，指序強寇，庶幾小雅風人之緒。辭賦多悲懿親彫喪，懷土不衰，張華以爲聲有楚焉。與弟雲頻煩執訊，悉密如兒童晏語，孝友之性，蓋得之自然也。又其照灼人事，扶翼通人，戒齊罔於盛年，拔戴淵於羣盜，卓犖之量，亦有祖父風矣。自吳國初建，張子布、顧元歎、諸葛敦仁、虞仲翔之倫，咸以令德清重，連相保持。機之族始於陸績，說易明玄，爲經術大師。績女鸞生十三喪夫，誓死不踐二庭，其國風家儀可知也。及丞臣大司馬父子，武以克敵，忠以匡君，血誠之辭，下感百世。又譏劉廙先刑後禮，穆然三代之英，近古之大儒也。子姓漸染閨門之教，雅素有則。機又嘗與賀循、顧榮友善，漸其德禮，其服膺儒術，亦信矣。是以文章彬彬，不尚浮艷，又無魏晉蕩肆之言，斯皆大吳之化，子布、敦仁、三陸之所流馳也。以機之文行忠信，而點汙于賈謐，備二十四友焉，涅而不緇，出入未嘗與傾側謀，猶與夫潘岳之徒，齊貞邪於一目。悲夫，川澤納汙，瑾瑜匿瑕，茲孟軻所以訶樂正歟。然自晉室之衰，琅玕南宅，舊都貪淫，餘烈漸以歇漸，斯大吳善俗之所磐厲。機雖一介，足以彷彿見端。余讀陸機傳及其文章，以爲皓作淫虐，自禰厥宗，雖世勳苗胃，改事新主無嫌也，猶裴回十歲，

不忍死其宗室故君，既不獲已而仕於晉，重遇惠帝昏亂，執不潔全，簸蕩倫、穎之間，以疏逃俘餘，總督六師，近監於王姻，遠構於媒御，轉相牽掣，雖有稷卨之略，未或不崩，讒人閒之，至於隕身湛宗，三英同戮。以彼其明，而日月闇于微眚，思之未嘗不憤懣也。然撮其文章行迹，猶不失爲南國仁賢。校計勝劣，宜在鍾儀、樂正克之次。（錄自章氏叢書文錄初編）

按先生此文，論陸氏可謂條達精沉，得厥俞脈者矣。故以冠于書首，以當序言。初秋英著意爲簡譜，余爲之補正，及後復爲機文校注，今年重訂時，乃摘注文中推擬各文時代之語，附入此譜，遂視初稿增三之一矣。亮夫。

陸氏世系表





○
新唐書宰相系表曰：『陸氏出自媯姓，田完裔孫，齊宣王少子通字季達，封于平原般縣陸鄉，卽陸終故地，因以氏焉。通諡曰元侯，生恭侯發，爲齊上大夫。發二子萬、皐。皐生邕，邕生漢太中大夫賈。萬生烈，烈字伯元，吳令豫章都尉，旣卒，吳人思之，迎其喪葬于胥屏亭，子孫遂爲吳郡人，二子衡、盱。盱字子光，襄贛令，生鴻，字叔鸞，本州從事。鴻生建，字公華，渤海太守。建生曄，字奉光，本州從事，生恭，字彥祖，御史中丞，京兆尹。恭生璜，字公伯。璜生文，字孝平，弘農都尉。文生觀，字公道，成都令。觀生衆，字世業，舉秀才，除郎中，生賜，字思祖，丞相府主簿，生閔，字子春，潁川太守，尙書令，三子邛、溫、桓，號「潁川枝」。桓字叔文，生續，字知初，揚州別駕，生三子，稠、逢、廢，號「荊州枝」。調荊州刺史，二子，肅、謙，肅丹徒令，號「丹徒枝」，十世孫鎮之。』

又曰：『揚州別駕續中子逢，漢尙書右僕射，樂安侯，五子，涉、表、瓊、昊、招，號「樂安枝」。表生漢海鹽縣令璜，字子仁，生恢，晉諫議大夫。恢生永興縣令弘，號「諫議枝」。揚州別駕續四子寔，字叔明。寔三子紆，字叔盤，吳城門校尉，五子黨、潜、颯、贊、駿。駿字季才，九江都尉，大學博士，二子遜、瑁。瑁字子璋，選曹尙書，六子，滂、喜、穎、英、偉、頤。穎第三子海隅縣令濯。濯生漢公生洌。洌生晉本郡從事元之，隱居魚圻，號「魚圻枝」。英字季文，長沙太守，高平相，員外散騎常侍，六子，術、舉、曄、玩、粹、瑾。玩字士瑤，侍中，司空，贈太尉興平康伯，六子，謐、儒、側、納、父、始，號「大尉枝」。始字祖興，五兵尙書侍中，二子，儼、萬載。萬載臨海太守，祕書監侍中，四子，道阮、

(一)

叔元、羣、子眞。子眞字同宗，宋東陽太守，四子，惠遠、惠微、惠曉、惠恭。』

郭名世古今姓氏書證
皆作羣。萬載作萬載。

(二)

顧夷吳地記曰：『閭，暢子也。篤行好學，聰明有令德。』暢，世系作賜。

後漢書陸康傳：『字季寧，吳郡吳人。祖父續，父康。有志操。光和二年，遷武陵太守。……會廬江

賊黃穰等與江夏蠻十餘萬人攻沒四縣，拜康廬江太守。帝嘉其功，拜康孫尚爲郎中。獻帝即位，天下大亂，……時袁術屯兵壽春，部曲飢餓，遣使求委輸兵甲，康以其叛逆，遂閉門不通，內修戰備，將以禦之。術大怒，遣其將孫策攻康，圍城數重，康固守，受敵二年，城陷，月餘發病卒，年七十，宗族百人，遭離飢厄，死者將半。朝廷愍其守節，拜子儁爲郎中。少子續仕吳爲鬱林太守。』又後書續在獨行傳，茲不錄。續吳志有傳。

(三)

三國志陸遜傳：『遜，吳郡吳人。遜少孤，隨從祖廬江太守康在官。遜年長於康子績數歲。』遜傳裴

注引陸氏世頌曰：『祖紆字叔盤，敏淑有思學，守城門校尉。父駿，字季才，淳懿信厚，爲邦族所懷，

官至九江都尉。』

又遜傳：『遜長子延早卒，次子抗。』

(四)

三國志陸績傳：『又康，漢末爲廬江太守。……績長子宏，會稽南部都尉。次子觀，長水校尉。』

謝承後漢書曰：『康少淳，孝悌，勤修操行。太守李肅察孝廉。肅後坐事伏法，康斂尸，送喪還潁川，

行服禮終，舉茂才。』

又三國志陸瑁傳：『瑁從父續早亡，一男一女，皆數歲，瑁迎攝養，至長乃別。』

⑤ 三國志抗傳合于父遜傳曰：『抗字幼節，吳大司馬荊州牧。卒，子晏嗣。晏及弟景、玄、機、雲，分領抗兵。……景字士仁，以尚公主，拜騎都尉，澡身好學，著書數十篇。晏爲王濬別軍所殺。景亦遇害，時年卅一。景妻孫皓適妹，與景俱張承外孫也。』裴注引文士傳：『陸景母，張承女也，諸葛恪外生。恪誅，景母坐見黜。景少爲祖母所育養，及祖母亡，爲之心喪三年。』

⑥ 三國志陸瑁傳：『字子璋，丞相遜弟也。赤烏三年卒。子喜亦涉文籍，好人倫。孫皓時爲選曹尙書。』又注引吳錄曰：『喜字文仲，瑁第二子也。入管爲散騎常侍。瑁孫曄，字士光，官至車騎將軍，儀同三司。曄弟玩，字士瑤。』又注引晉陽秋稱：『玩器量淹雅，位至司空，追贈太尉。』

⑦ 鄧名世古今姓氏書辯證：『又吳郡陸英子玩，玩子始，始子萬哉，萬哉子子真，五世爲郎中。又，南齊陸慧遠、慧徹、慧曉、慧恭，唐世系表皆子真之子，房望最高。』慧皆作惠

又晉書陸曄傳：『曄字士光，吳郡吳人。伯父喜，吳吏部尙書。父英，高平相、員外散騎常侍。曄少有雅望，從兄機每稱之曰：『我家世不乏公矣。』……後歸，以疾卒，年七十四，追贈侍中、車騎大將軍。子謙，散騎常侍。』又云：『曄弟玩，字士瑤，元帝引爲丞相參軍。王導初至江左，思結人情，請嬉于玩，玩對曰：『培塿無松柏，薰蕕不同器。』玩雖不才，義不能爲亂倫之始。』……後遷侍中、司空，年六十四，謚曰康。子始嗣，歷侍中、尙書。玩子納，字祖言，州舉秀才，遷黃門侍中、本州吏部郎，出爲吳

興太守，遷太常，從吏部尚書加以奉車都尉，除光祿大夫開府儀同三司。子長生先卒。』

又晉書機傳以喜爲雲從父兄，兄字疑誤衍。

④ 按晉書納傳：『謝安嘗歎詣納，而納殊無供辨，兄子徽不敢問之，乃密爲之具』云云。

⑤ 晉書機傳附喜傳：『喜字恭仲（吳錄作爲文仲），父瑁，吳吏部尚書。喜仕吳累遷吏部尚書，太康中以喜爲散騎常侍，尋卒。子育爲尚書郎，弋陽太守。』

⑥ 陸績 吳志十二：『字公紀。父康，漢末爲廬江太守。容貌壯偉，博學多識，星歷算數，無不該覽。……

孫權統事，辟爲奏曹掾，以直道見憚。出爲鬱林太守。……作渾天圖，注易，釋玄，皆傳於世。年三十

二卒。長子宏，會稽南部都尉。次子徽，長水校尉。』

又世說卷四劉注引文士傳曰：『績字公紀，幼有儁朗才數，博學多通。龐元士年長于績，共爲交友。

仕致鬱林太守。自知亡日，年三十二而卒。』

又吳志績傳裴注曰：『績子鬱林所生女，名曰鬱生，適張溫弟白。姚信集有表稱之。』文長不錄

⑦ 機同輩中有姊。宋書卷八十一顧顗之傳：『顧謙字公議，吳郡人，陸機姊夫。』

晉書陸機本傳

陸機字士衡，吳郡人也。祖遜，吳丞相。父抗，吳大司馬。機身長七尺，其聲如雷，少有異才，文章冠世，伏膺儒術，非禮不動。抗卒，領父兵，爲牙門將。年二十而吳滅，退居舊里，閉門勸學，積有十年。咸寧緒晉書作十一年。以孫氏在吳，而父祖世爲將相，有大勳於江表，深慨孫皓舉而棄之，乃論權所以得，皓所以亡，又欲述其祖父功業，遂作辯亡論二篇。……至太康末，與弟雲俱入洛，造太常張華，華素重其名，如舊相識，曰：『伐吳之役，利獲二俊。』又嘗詣侍中王濟，濟指羊酪謂機曰：『卿吳中何以敵此？』答云：『千里草羹，未下鹽豉。』時人稱爲名對。張華薦之諸公。後太傅楊駿辟爲祭酒。會駿誅，累遷太子洗馬、著作郎。范陽盧志於衆中問機曰：『陸遜、陸抗，於君近遠？』機曰：『如君於盧毓、盧挺。』志默然。既起，雲謂機曰：『殊邦遐遠，容不相悉，何至於此？』機曰：『我父祖名播四海，寧不知耶？』議者以此定二陸之優劣。吳王晏出鎮淮南，以機爲郎中令，遷尙書中兵郎，轉殿中郎。趙王倫輔政，引爲相國參軍。豫誅賈謐功，賜爵關中侯。倫將篡位，以爲中書郎。倫之誅也，齊王冏以機職在中書，九錫文及禪詔，疑機與焉，遂收機等九人付廷尉，賴成都王穎，吳王晏救理之，得免死。徙邊，遇赦而止。初機有駿犬，名曰黃耳，甚愛之。旣而羈寓京師，久無家問，笑語犬曰：『我家絕無

書信，汝能齋書取消息不？」犬搖尾作聲，機乃書以竹簡盛之，而繫其頸，尋路南走，遂至其家，得報還洛，其後因以爲常。時中國多難，顧榮、戴若思等咸勸機還吳，機負其才望，而志匡世難，故不從。問既矜功自伐，受爵不讓，機惡之，作豪士賦以刺焉。……問不之悟，而竟以敗。機又以聖王經國，義在封建，因採其遠指，著五等論。……時成都王穎，推功不居，勞謙下士，機既感全濟之恩，又見朝廷屢有變難，謂穎必能康隆晉室，遂委身焉。穎以機參大將軍軍事，表爲平原內史。太安初，穎與河間王顥起兵討長沙王乂，假機後將軍、河北大都督，督北中郎將王粹、冠軍牽秀等諸軍二十餘萬人。機以三世爲將，道家所忌。又羈旅入宦，頓居羣士之右，而王粹、牽秀等皆有怨心，固辭都督，穎不許。機鄉人孫惠亦勸機讓都督於粹，機曰：『將謂吾爲首鼠避賊，適所以速禍也。』遂行。穎謂機曰：『若功成事定，當爵爲郡公，位以台司，將軍勉之矣。』機曰：『昔齊桓任夷吾以建九合之功，燕惠疑樂毅以失垂成之業，今日之事在公不在機也。』穎左史長廬志，心害機寵，言於穎曰：『陸機自比管、樂，擬君闇主。自古命將遣師，未有臣陵其君，而可以濟事者也。』穎默然。機始臨戎，而牙旗折，意甚惡之。列軍自朝歌至於河橋，鼓聲聞數百里，漢、魏以來出師之盛，未嘗有也。長沙王乂，奉天子與機戰於鹿苑，機軍大敗，赴七里澗而死者如積焉，水爲之不流，將軍賈稜皆死之。初，宦人孟玖、弟超，並爲穎所嬖寵，超領萬人爲小都督，未戰，縱兵大掠，機錄其主者。超將鐵騎百餘人，直入機廳。

下，奪之，顧謂機曰：『貉奴，能作督不？』機司馬孫拯勸機殺之，機不能用。超不受機節度，輕兵獨進而沒，玖疑機殺之，遂譖於穎，言其有異志。將軍王闡、郝昌、公師藩等皆玖所用，與牽秀等共證之。穎大怒，使秀密收機。其夕，機夢黑幘繞車，手決不開。天明而秀兵至。機釋戎服，著白帢，與秀相見，神色自若，謂秀曰：『自吳朝傾覆，吾兄弟宗族，蒙國重恩，入侍帷幄，出剖符竹。成都命吾以重任，辭不獲已。今日受誅，豈非命也！』因與穎牋，詞甚悲側。既而嘆曰：『華亭鶴唳，豈可復聞乎？』遂遇害於軍中，時年四十二。二子蔚、夏，亦同被害。機既死，非其罪，士卒痛之，莫不流涕。是日昏霧晝合，大風折木，平地尺雪，議者以爲陸氏之冤。機天才秀逸，辭藻宏麗。張華謂之曰：『人之爲文，常恨才少；而子更患其多。』弟雲嘗與書曰：『君苗見兄文，輒欲燒其筆硯。』後葛洪著書，稱機文『猶玄圃之積玉，無非夜光焉；五河之吐流，泉源如一焉。其弘麗妍瞻，英銳漂逸，亦一代之絕乎？』其爲人所推服如此。然好遊權門，與賈謐親善，以進趣獲譏。所著文章凡二百餘篇，並行於世。

機雲別傳

晉太康末，俱入洛，造司空張華，華一見而奇之，曰：『伐吳之後，利在獲二雋。』遂爲之延譽，薦之諸公，太傅楊駿辟機爲祭酒，轉太子洗馬，尙書著作郎。雲爲吳王郎中令，出宰浚儀，甚

有惠政，吏民懷之，生爲立祠。後並歷顯位。機天才綺練，文藻之美，獨冠於時。雲亦善屬文，清新不及機，而口辯持論過之。於時朝廷多故，機、雲並自結於成都王穎。穎用機爲平原相、雲清河內史。尋轉雲右司馬，甚見委仗。無幾而與長沙王構隙，遂舉兵攻洛，以機行後將軍，督王粹、牽秀等諸軍二十萬。士龍著南征賦以美其事。機吳人，羈旅單宦，頓居羣士之右，多不厭服，機屢戰失利，死散過半。初，宦人孟玖，穎所嬖幸，乘寵豫權，雲數言其短，穎不能納，玖又從而毀之。是役也，玖弟超亦領衆配機，不奉軍令，機繩之以法。超宣言曰：「陸機將反。及牽秀等譖機於穎，以爲持兩端。」玖又搆之於內，穎信之，遣收機，並收雲及弟耽，並伏法。機兄弟既江南之秀，亦著名諸夏，並以無罪夷滅。天下痛惜之。機文章爲世所重，雲所著亦傳於世。初抗之克步闡也，誅及嬰孩，識道者尤之曰：「後世必受其殃。」及機之誅，三族無遺。

孫惠與朱誕書曰：「馬援擇君，凡人所聞。不意三陸相攜暴朝，殺身傷名，可爲悼歎。」

三國志
吳志卷

十三陸遜傳
裴注引